



**ZAPISNIK O RADU 25. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 05.07.2022. GODINE**

Broj: 01-GV-02-1105/22
Sarajevo, 05.07.2022. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Adi Škaljić, predsjedavajući Kluba gradskih vijećnika Naše stranke
5. Vedad Deljković, predsjedavajući Kluba gradskih vijećnika Stranke demokratske akcije
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Elvedin Korora, predsjedavajući Kluba gradskih vijećnika „Korora/Skorupan“
8. Marijela Hašimbegović, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Vedran Dodik, predsjedavajući Kluba gradskih vijećnika „SMS-Savez za Stari Grad-Srđan Srđić“

Odsutni: Dragan Stevanović, zamjenik predsjedavajućeg Gradskog vijeća (najavljeno odsustvo), Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“ (najavljeno odsustvo) i Mila Eminović Rizvanović, sekretar Gradskog vijeća (najavljeno odsustvo).

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 13.00 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa 8 glasova „za“, bez glasova „protiv“ i jednim „suzdržanim“ glasom **je usvojio** Zapisnik o radu 24. sjednice Kolegija Gradskog vijeća, održane 01.06.2022. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 25. sjednice Kolegija Gradskog vijeća, tako da glasi:

1. Priprema za održavanje 18. sjednice Gradskog vijeća Grada Sarajeva
2. Tekuća pitanja



Ad1)

Priprema za održavanje 18. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći zaključak:

- 18. sjednica Gradskog vijeća će se održati u **srijedu 27.07.2022. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 07.07.2022. godine do 12.00 sati**;
- Sjednice radnih tijela, u pripremi 18. sjednice Gradskog vijeća, će se održavati u **srijedu 13.07, četvrtak 14.07. i petak 15.07.2022. godine**;
- Pozivi gradskim vijećnicima za 18. sjednicu Gradskog vijeća će se uputiti u **srijedu 20.07.2022. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o realizaciji vijećničkih pitanja i inicijativa, prema informaciji Gradonačelnice, **je spreman** i očekuje se da će biti uvrštena u prijedlog dnevnog reda 18. sjednice Gradskog vijeća.

Nacrt Poslovnika Gradskog vijeća Grada Sarajeva **nije spreman**.

Jasmin Ademović, predsjedavajući Gradskog vijeća je podsjetio članove Kolegija da će Nacrt Poslovnika Gradskog vijeća biti predložen za razmatranje na sjednici Gradskog vijeća, nakon što Gradsko vijeće usvoji Statut Grada Sarajeva.

Nacrt Etičkog kodeksa izabраниh zvaničnika i zvaničnica Grada Sarajeva **nije spreman**.

Jasmin Ademović, predsjedavajući Gradskog vijeća je podsjetio članove Kolegija da je na 24. sjednici Kolegija Gradskog vijeća održanoj 01.06.2022. godine usvojen Zaključak da Gradonačelnica formira radnu grupu koja će, u saradnji s Etičkim vijećem, pripremiti tekst Nacrta Etičkog kodeksa izabраниh zvaničnika i zvaničnica Grada Sarajeva. Postupajući po navedenom Zaključku, Gradonačelnica je 28.06.2022. godine donijela Rješenje o imenovanju radne grupe.

Naglasio je da je zadatak radne grupe da u saradnji sa Etičkim vijećem pripremi tekst Nacrta Etičkog kodeksa u potrebnim rokovima, nakon čega će Etičko vijeće do kraja mjeseca jula utvrditi Nacrt Etičkog kodeksa i uputiti ga Gradskom vijeću kako bi se isti razmatrao na septembarskoj sjednici Gradskog vijeća i uputio u javnu raspravu koja bi trajala do novembra mjeseca.

Jasmin Ademović, predsjedavajući Gradskog vijeća je konstatovao da će sjednicu radne grupe sazivati i voditi Mila Eminović Rizvanović, sekretar Gradskog vijeća, jer je imenovana kao prva u Rješenju o imenovanju radne grupe, a nije određen predsjednik radne grupe.

Izveštaj o korištenju sredstva tekuće rezerve, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 18. sjednice Gradskog vijeća.

Prijedlog Odluke o davanju saglasnosti gradonačelnici Grada Sarajeva za potpisivanje Memoranduma o saradnji između Grada Sarajeva, NVO „Naša perspektiva“ i Sarajevske regionalne razvojne agencije (SERDA), prema informaciji Gradonačelnice, **je spreman** i očekuje se da će biti uvršten u prijedlog dnevnog reda 18. sjednice Gradskog vijeća.

c. *Teme koje su planirane Programom rada Gradskog vijeća Grada Sarajeva za 2022. godinu u maju i junu mjesecu*

Izvještaj o provođenju Odluke o stipendiranju učenika srednjih škola iz Budžeta Grada Sarajeva, po konkursu za stipendiranje učenika srednjih škola iz Budžeta Grada Sarajeva za školsku 2020/2021., planiran za razmatranje u maju mjesecu, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 18. sjednice Gradskog vijeća.

Informacija o stanju sigurnosti javnog saobraćaja u Kantonu Sarajevo, planirana za razmatranje u junu mjesecu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 18. sjednice Gradskog vijeća.

Informacija o procesu donošenja urbanističkog plana urbanog područja Sarajevo (Stari grad, Centar, Novo Sarajevo, Novi Grad, Ilidža i Vogošća) za period 2015.-2035. godina i obaveznoj primjeni mjera zaštite ventilacionih koridora, planirana za razmatranje u junu mjesecu, prema informaciji Gradonačelnice, **nije spremna** i neće biti uvrštena u prijedlog dnevnog reda 18. sjednice Gradskog vijeća uz obrazloženje da je Zavod za planiranje razvoja Kantona Sarajevo u postupku izrade urbanističkog plana, a prema osnovnoj koncepciji koja je već prezentovana na sjednici Odboru za urbanizam i upotrebu lokalnog zemljišta Gradskog vijeća.

Odluka o podizanju spomenika civilnim žrtvama grada – Kantona Sarajevo, čiji je Nacrt planiran za razmatranje u aprilu mjesecu, a Prijedlog u junu mjesecu, prema informaciji Gradonačelnice, **nije spremna** i neće biti uvrštena u prijedlog dnevnog reda 18. sjednice Gradskog vijeća.

Jasmin Ademović, predsjedavajući Gradskog vijeća je podsjetio članove Kolegija da je na 24. sjednici Kolegija Gradskog vijeća, Gradonačelnica obavijestila članove Kolegija da Nacrt Odluke nije spreman s obzirom da nije usaglašena lokacija za podizanje spomenika.

Upoznao je članove Kolegija da je, u međuvremenu, na 19. redovnoj sjednici Općinskog vijeća Centar Sarajevo, održanoj u četvrtak 30.06.2022. godine, usvojena Odluka o namjeri za utvrđivanje javnog interesa Općine Centar Sarajevo da se spomenik civilnih žrtava rata opkoljenog Sarajeva 1992.-1995. podigne na lokaciji u ulici Hamze Hume.

Jasmin Ademović, predsjedavajući Gradskog vijeća je podsjetio članove Kolegija da je na 23. sjednici Kolegija, održanoj 05.05.2022. godine, Gradonačelnica predložila formiranje radne grupe za izradu Prijedloga Odluke o uslovima i načinu dodjelu „Šestoaprilske nagrade Grada Sarajeva“, da radna grupa još uvijek nije formirana, te da bi Odluka o uslovima i načinu dodjelu „Šestoaprilske nagrade Grada Sarajeva“ morala biti usvojena najkasnije u oktobru mjesecu tekuće godine.

d. *Novi prijedlozi*

Aida Bajramović, rukovodilac Stručne službe za poslove kabineta i poslove Gradske uprave, informisala je članove Kolegija da će Gradonačelnica za 18. sjednicu Gradskog vijeća predložiti i sljedeće materijale:

- Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva;
- Prijedlog Odluke o davanju saglasnosti gradonačelnici Grada Sarajeva za zaključivanje Sporazuma o bratimljenju između Grada Sarajeva, Bosna i Hercegovina i Grada Ljubljane, Republika Slovenija;

- Prijedlog Odluke o davanju saglasnosti gradonačelnici Grada Sarajeva za pridruživanje CIVITAS mreži evropskih gradova;
- Izvještaj o realizaciji preporuka po Izvještaju o finansijskoj reviziji Grada Sarajeva za 2020. godinu;
- Informacija o aktivnostima na realizaciji projekta čišćenja i uklanjanja nanosa i mulja iz korita rijeke Miljacke, koji je sastavni dio jedinstvenog projekta “Čista rijeka Miljacka”;
- Informacija o aktivnostima na realizaciji investicionog održavanja fontane ubijenoj djeci Sarajeva 1992.-1995.

Ad 3)

Tekuća pitanja

Jasmin Ademović, predsjedavajući Gradskog vijeća je upoznao članove Kolegija da je u petak 08.07.2022. godine planirano potpisivanja Memoranduma o saradnji između Federalnog zavoda za programiranje razvoja i Grada Sarajeva.

Obavijestio je članove Kolegija da je u četvrtak 21.07.2022. godine u Vijećnici planiran skup koji će zajednički organizovati Vijeće za provođenje Agende 2030 i Grad Sarajevo, a na skup će biti pozvan UNDP u BiH, kao inicijator izrade i donošenja Okvira i član Vijeća.

Istako je da će na skupu, pored predstavnika Vijeća i UNDP-a svoja iskustva razmijeniti Općina Ilidža i Općina Bijeljina, kao primjeri dobre prakse.

Naglasio je da će pozivi biti upućeni svim gradskim vijećnicima.

Član Kolegija Toni Vukadin je postavio pitanje da li je planirano održavanje sjednice Gradskog vijeća u septembru mjesecu obzirom da se opći izbori održavaju u mjesecu oktobru?

Jasmin Ademović, predsjedavajući Gradskog vijeća je odgovorio da će se sjednica Gradskog vijeća održati u mjesecu septembru, a prema utvrđenoj dinamici aktivnosti u pripremi sjednica Gradskog vijeća Grada Sarajeva za 2022. godinu.

Član Kolegija Toni Vukadin je postavio pitanja kada je planirano da se na sjednici Gradskog vijeća razmatra informacije o zgradi DPO?

Jasmin Ademović, predsjedavajući Gradskog vijeća je upoznao članove Kolegija da će se u srijedu 06.07.2022. godine na sjednici Skupštine Kantona Sarajevo razmatrati Prijedlog Odluke o davanju saglasnosti za zaključivanje ugovora o prenosu prava vlasništva zgrade DPO na Grad Sarajevo, te u slučaju da Odluka bude usvojena, za julsku sjednici Gradskog vijeća bit će pripremljen materijal, u odgovarajućoj formi, vezano za zgradu DPO.

Član Kolegija Toni Vukadin je podsjetio članove Kolegija da su on i Mirela Džehverović, zamjenica predsjedavajućeg Gradskog vijeća u delegaciji koja će posjetiti Grad Dubrovnik, te postavio pitanja zašto se Program posjete Gradu Dubrovniku, a prilikom ranijih posjeta uvijek dostavljao pred samu posjetu?

Mirela Džehverović, zamjenica predsjedavajućeg Gradskog vijeća je pojasnila da je od nadležene službe dobila pojašnjenje da će Služba dostavi Program posjete, odmah, nakon što isti bude dostavljen od strane Grada Dubrovnika.

Član Kolegija Vedad Deljković je pristupio sjednici Kolegija Gradskog vijeća u 13.18 sati.

Jasmin Ademović, predsjedavajući Gradskog vijeća je ponovo pozvao predsjedavajuće klubova gradskih vijećnika da podsjetite gradske vijećnike na obavezu da putem e mail adrese pisarnica@sarajevo.ba dostave obavijest u slučaju da su spriječeni da prisustvuje sjednici Gradskog vijeća.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 13.25 sati.

SEKRETAR GRADSKOG VIJEĆA

Mila Eminović Rizvanović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.